

臣名言臣顧慙寡昧祗荷景靈俾臣夏之底
寧賴宵旰之委鑿向以誕膺春祐昭錫珍符
肇紀元辰用揚丕應今則載周月紀茲茂神
休答玄貺於高明但增夕惕降鴻禧於薄率
愈冀日新庶保治平永綏靈動無任感幸
激切之至謹奉表稱謝以聞臣名誠感誠慶
頓首頓首謹言

三清

臣名言臣紹膺命歷獲操中區仰荷眷懷用
廣庶業向以青陽肇屆綠曆存頌祇協靈辰
○ 聿新令節今則載周四序紛委千祥齋潔之
心故無忘於寤寐高明之祐期紹集於家邦
虔露精爽佇迴玄應無任感幸激切之至
謹奉表稱謝以聞臣名誠感誠慶頓首頓首
謹言

玉皇

臣名言臣獲嗣寶圖實懋維德俾人倫之交
泰由天意之由成向以既施下臨珍符申錫
仰儲休於獻歲紀協吉於靈辰今則言屆履
端益彰降鑒三儀願設實增祇畏之誠九土

樂康更坤格思之應庶紹膺於景福用永在
於群生無任感幸激切之至謹奉表稱謝
以聞臣名誠感誠慶頓首頓首謹言

宋真宗御製玉京集卷之四

正一天師清微弟子 洪百堅 製作
道教學術資訊網站

宋真宗御製玉京集卷之五

宣五

告謝詞六道

天

臣早因主曾遂至承統但思憂勤罔敢逸豫
存更歲律馴致成平蓋襲慶於祖宗每推功
於宵旰更陟東岱俯順下民殊庭瞻懷休祐
斯及貯靈無際符瑞存錄惟仰頌於昭回誠
不忘於戒懼無任懇倒之至謹詞

又

臣纂承鴻業欽奉上天雖萬務憂勤不忘宵
旰而八方清謹實自鑒觀寶符已示於殊楨
其馭復宜於景命內惟涼薄彌負戰兢但持
勵翼之懷庶答高明之賜無任懇倒之至
謹詞

玉皇

伏以三界攸宗十方所仰尊惟太上位極高
真蓋浩劫以難窮固強名之不及臣叨膺寶
曆嗣撫蒸黎荷靈矜懷蒙被純嘏深惟大幸
併在眇躬寢寐不違祇懼無措無任懇倒
之至謹詞

又

伏以造物之源咸歸於大道列真之長是處於高天睽祐所臨欽承敢息內慙源德叨嗣慶基雖已洽隆平而益深祇畏至誠斯馨景貺幸垂敢不愈勵精心虔遵寶訓永期昭事少答願懷臣無任懇倒之至謹詞

聖祖天尊大帝

伏以高極九天位尊眾聖是推賢命下治濟人若乃銷僊五兵每歸功於道廢懷柔萬國實受賜於真庭雖實畏之常深於德教而何有屢曆戰教交霈純禧願負荷以莫違惟兢惕而彌厚臣無任懇倒之至謹詞

東嶽岱嶽觀

三清

伏以無得而升天所以為大莫知其始道於是居尊竊念十五祇祠十五至園荐膺瑞命二十春奉檢玉已藉於江茅吉壤應繒復觀於汾鼎頌高明之眷祐俾典禮之昭彰由是瞻祀統之名山願集靈之珍宇式嚴清廟用答鴻休期精意以洞神殊積而狎至臣無任懇倒之至謹

詞

謝聖祖降臨詞二道

玉皇

伏以無始太虛莫窮真跡含生有衆皆被大恩萬化推尊百王受命惟沖人之寡薄紹曆數之延洪獲蹈真風遐依聖曆清宵警寐遂降於靈仙紫殿凝神奉承於秘訓敢不虔遵景貺愈勵深衷益脩精潔之儀用伸致謝之禮臣無任懇倒之至謹詞

聖祖天尊大帝

伏以治國之基奉天為大化民之本崇道居先在欽翼之不忘故感通而斯至殊祥兆夢真取應期屬清夜之方闡降紫宸而彌久躬宣聖訓昭示靈徵享是丕休實懿源德謹當益勤庶政上答洪恩臣無任懇倒之至謹詞

祈福庇民詞六道

天

伏以秉茲一氣總彼萬靈實覆育於群生用鑒觀於卑土竊念鴻基嗣守景貺荐膺華粗致於治平故無忘於惕厲尚虞品彙罔獲安

安允資下濟之靈俾協威寧之治是以虔伸清懇聲達素衷伏望祥降九清惠流六合星躔靡奏年教有成銜津泰華之封疆場不發廣漢番禺之域縣道常康凡混車書並消疵癘儻荷高明之賜愈增齋潔之心臣無任懇倒之至謹詞

三清

伏以混元之教無方之神蓋典治於百靈用生成於萬有竊念欽承敕命紹撫中區期茂育於黎氓但祇長於宵昊尚虞涼薄罔致隆平思荐擁於殊積爰仰祈於純錫是以虔修清醮用達素衷伏望玄應昭彰黔民富壽三辰順序百教用成交河遠海之封永通聲教五嶺二江之域常獲底寧克協恩綏允資願謁敢勵實恭之意載求保佑之仁臣無任懇倒之至謹詞

聖祖天尊大帝

伏以炳煥威靈發攝瑞命精心所仰純錫攸臻將下庇於蒸黎實上憑於丕應伏冀人無疵癘歲保順成十雨協期五星順軌偃七兵

於率土和一氣於含生清醮宿陳用祈於降
鑒洪禧載洽允賴於儲休臣無任懇倒之至
謹詞

又

伏以俯祐蒸民允資神道上迴玄鑒必勵精
心竊念嗣撫中區內懸關政去秋多稼頗失
於歲功今載甫田益虞於天厲是以素秉下
聲鴻福仰祈伏冀風雨不愆倉箱有望恭俟
昭彰之應彌增戰慄之懷臣無任懇倒之至
謹詞

聖祖天尊大帝

伏以含生之患雖默定而有期錫類之祥必
鴻禧而可禱緬瞻戎壘俯介邊陲屬洪濤之
流行慮群倫之失所將祈景貺敢薦精衷庶
洞照於寅威用誕敷於祉福俾民災之弭息
賴天祐之昭彰臣無任懇倒之至謹詞

太清宮

聖果

竊念猥以眇躬紹臨大統荷百靈而降鑒俾
九寓以咸宜瞻灑水之福慶有清都之祕館

實昭介祉俯庇含生是以祇遣廷臣遠伸潔
醮載形密疏聿道丹衷冀不昧於至神用誕
敷於景貺臣無任懇倒之至謹詞

謝天禎節詞一道

聖祖天尊大帝

伏以明靈之顧既昭昭而下臨祇畏之心乃
乾乾而上達向者長歲之月鬱蒼之區方展
於元封荐頒於祕檢紀茲今序用志於延祥
錫以繁禧彌彰於降鑒載臨吉日虔仰清都
敢伸昭薦之精衷益仰來同之美應臣無任
懇倒之至謹詞

會靈觀興工詞一道

伏以靈鑒錫符荐承於丕應精心報貺實登
於至誠竊念躬接謠言眇聞鴻緒肇建集真
之宇用昭長發之符爰按日以聚工遽延祥
而介祉緬瞻恭館仰謝繁禧期貯鑿以下垂
庶靖恭而上達臣無任懇倒之至謹詞

景靈宮興工詞一道

玉皇

伏以僊遊昭格恭覲於晬儀寶誥欽承緬聞

於丕緒荷發祥而斯在期錫類以無疆乃菁
宇於福庭佇降真於霄極庶工經始慎考於
元辰嘉應流禎誕昭於景貺敢虔伸於精意
用祇答於明禎臣無任懇倒之至謹詞

皇子生辰詞二道

天

伏以臣紹膺元曆實愧眇冲獲茂本枝允昭
既施瞻言孺子存屆生辰承保佑之至靈克
諧安又感高明之介祉益勵寅恭敢聲達於
精衷冀永敷於純錫臣無任懇倒之至謹詞

玉皇

伏以臣紹膺命曆實荷慶靈仰上帝之眷懷
俾本枝之蕃茂眷言繼體俯及勝衣屬生日
之戒辰感神心之降鑒敢伸精意用答鴻禧
庶曲茂於延祥俾永膺於介福臣無任懇倒
之至謹詞

祀事祈晴詞一道

三清

伏以妙道無方至神虛受獲膺保佑諒在虔
恭比者言徇輿情恭修潔祀將川塗而載涉

恐雨雪以交零致茲危從之人因乃泥塗之事敢伸精意冀格不休庶自啓行暨臨旋躡克免常陰之患允彰降鑒之靈臣無任懇倒之至謹詞

為蟲螟詞二道

三清

伏以強名之道與太始以俱生不宰之神蓋群倫而總治竊念恭膺命曆唯務戰兢慮養黎元常期昭泰春都戮之接壤屬農事之方興遽產飛蝗漸傷多稼實仰資於天鑒用俯矜於人災是以祇竭素衷上祈丕應伏望清都降祐金闕儲祥俾疢癘之咸消使和平之溥洽明明之福儻荷於來成懷慄之心愈思於若厲臣無任懇倒之至謹詞

玉皇

伏以百神受職咸聽於上靈萬彙化成並資於至道洪惟丕應實顯洪休竊念祇嗣慶基有慙涼德惟精心而自勵庶和氣以常臻屬以都畿暨茲開輔顧農耕而屆候遽螟螣而為災思上格於明徽敢下伸於精意庶膺純

錫以兆豐年伏望玄感升聞紫清垂鑒俾嘉生之並育致率土之咸寧泰爾之民僕承於保佑惕然之志愈積於嚴恭臣無任懇倒之至謹詞

為迎鑄聖像詞一道

天

伏以比者擇福地而範銘允成肖像詔輔臣而迎奉仰祝降禱履願誕以誕敷錫福禧而紹至明靈春祐景物清和跋履咸宜存承於昭鑒至虔報祝念勵於精心臣無任懇倒之至謹詞

為聖像在路上詞二道

天

伏以殊庭肇建春佑之靈真御仰慕勸欽崇之意元辰協吉迎春戒期丕應延祥感通實冀通霄頌暑常保清和俾跋履之咸宜繫高明而錫祐臣無任懇倒之至謹詞

三清

伏以誕膺春祐祇竭誠明恭館肇新用昭介社睟容虔寫獲觀成功揆吉日以在辰奉真

儀而戒路伏冀鬱蒸靡盛氣序成和俾利涉之攸宜彰炳靈之降鑒臣無任懇倒之至謹詞

景靈宮典 謝拜瑞詞二道

天

伏以昭彰之應允協於有孚齋慄之心實增於無敢竊念僊遊俯降寶緒欽承行應駕以常迴法琳宮而必華繕完茲始符瑞存臻由是緬望殊庭恭伸精意冀答三神之祐益期百福之臻臣無任懇倒之至謹詞

又

伏以真馭下臨奉晬儀之炳煥鴻源逮示承丕祐之昭彰既寶誨而欽承故純禧而仰答擇神區之美壇建恭館之密清初吉在辰方興於庶役維祺協應爰觀於嘉祥敢伸勵翼之心用報紛綸之社臣無任懇倒之至謹詞

謝祀汾陰禮成詞二道

東嶽王母殿

伏以龜臺福地夙提神居日觀喬峯下迴僊馭靈遊所屬善應實昭昨以祇答珍符虔修

封祀俄慰後來於西土復祈介福於方丘俾
茂典之有成賴殊休之伸錫是以遐瞻祕宇
恭薦精衷期玄感以紹臨庶鴻禧之永洽臣
無任懇倒之至謹詞

泗州塔下

伏以化流真俗惠沃人天莫五達之名區挺
百常之寶塔昨以時巡冀壤親祀坤靈典禮
咸昭書文無外荷明祇之協吉資大士之儲
休是以避為精衷用請介福冀慈心之不捨
俾繁祉以荐臻臣無任懇倒之至謹詞

滋福殿道場謝降臨詞一道

聖祖天尊大帝

伏以長發之符啓鴻源而有自來成之佑昭
丕應以無方膺既施以荐臻勵齊明而斯積
屬以辟容作繪祕宇延真祇傑于中奉蕭鄰
而增揚監觀在上迴欵駕以儲祥玉羽群嬉
瑤觴徧舉緬懷錫類實用戰兢恭答凝禎豈
忘欽翼敢罄伸於精意庶仰答於景靈臣無
任懇倒之至謹詞

宋真宗御製玉京集卷之五

宋真宗御製玉京集卷之六

宣

為皇子事詞一道

聖祖天尊大帝

伏以靈禧丕顯道隆博臨承景洽于天際
多昌于世曾皇子未克諧成立成繁寵綬具
章綬而寶璫屢頒分珪玉而列爵爰啟燕翼
之訓垂慶緒以無疆祇畏之心率真科而仰
報臣無任懇倒之至謹詞

祈福詞一道

聖祖天尊大帝

竊思錫類儲仁承基紹緒蓋仰依于積祐
乃俯洽于多祥今以爽氣方新大旗攸祝奉
真科于琳館達精意于璇都伏願九域晏寧
五稼豐稔黎元靡于疾疢家邦集于福禧繼
孝之心敢忘于兢惕來同之杜常冀于昭彰
臣無任懇倒之至謹詞

謝刻玉梓稿詞一道

天尊

向以茂膺寶命申錫元符肇建琳宮用昭
玉牒秘文仰奉將置於琅函臨玉言刊先奉

於錄字式當協吉方在致虔願河洛之書近
臨於外次瞻紫清之座益勵於至恭臣無任
懇倒之至謹詞

為奉祀事詞九道

三清玉清 上清 太清

臣仰報純禧俯從復望屬鄉仙宇將展於朝
脩春首令辰式遵於時邁敢伸嘉薦用禱祥
徵伏冀霄極降禎綿區俾久使輿情而咸若
致盛典以斯成春祐之靈儻符於昭感實畏
之志彌切於至虔臣無任懇倒之至謹詞

聖祖天尊大帝

臣願考古經適宜茂則靈區款謁方祝於純
禧法從戒期將詢於吉日佇祥徵而允洽故
精意以虔伸伏冀佑錫高旻慶敷綿寓俾人
祇而胥悅使典禮之咸宜惕惕之心敢忘於
善禱獲禱之應益俟於來同臣無任懇倒之
至謹詞

三清上清

臣祇考禮經恭懷道隆琳宮款謁已戒於先
期玉輅首方即登於夷路冀誕敷於景貺敢

仰叩於清都伏冀萬國咸康千祥紛委克揚
茂則允賴純禧仰望殊庭願精衷而斯薦益
祈鴻應昭介祉而無疆臣無任懇倒之至謹
詞

三清太一

臣緬賂靈域祗謁僊祠協吉元龜已謀於剛
日戒期大輅即涉於皇衛思介祉之誕隆故
至誠而仰薦伏冀克揚嘉應茂集丕禎俾區
寓之晏康致禮容之昭顯殊庭瞻望罄述於
精衷神鑒章明允期於鴻福臣無任懇倒之
至謹詞

聖祖天尊大帝

臣仰懷純錫俯勵至精三楹之度將伸於款
謁六縣之駕方屬於戒期思眷祐以誕敷故
實威而昭薦伏冀高明降顧祉福來成俾溥
率以咸康使禮容而克展無疆之錫儻荷於
鑒觀不匱之心益期於祗懌臣無任懇倒之
至謹詞

三清世福

臣欽崇秘道款謁真官六轡者方已戒期於

春序九符即路將展禮於靈辰思鴻應之有
敷勵精心而無敢伏冀高明垂貺溥率同歡
俾茂實之克揚侯丕休之允屬夙興之意敢
怠於至虔降鑒之仁益祈於丕顯臣無任懇
倒之至謹詞

聖祖天尊大帝

臣緬望屬鄉載籍春序靈宮款謁已吉於先
期齋輅者方俯臨於剛日佇凝楨之昭錫伸
虔禱之勵精伏冀茂集千祥保康萬常克揚
盛節允賴鴻休祗懌之懷顧夙宵而靡舍鑒
觀之祐期紫清而誕敷臣無任懇倒之至謹
詞

謝玉清昭應宮奉安聖像祥瑞詞一道

三清

臣向以獲聞丕緒思佑寶圖乃屬至精用揚
累盛申詔列郡虔奉真儀建恭館於燕都方
興茂則仰僊遊於瀛嶽運集殊楨允協靈期
再翔瑞羽祗荷昭彰之應實增齋潔之心臣
無任懇倒之至謹詞

先天節詞一道

三清

伏以紀麗馭之下臨肇新今序願靈場之中
啓用報鴻楨昭感有數祥經丕觀集翺翻之
珍羽見沃洽之純禧仰眷祐之心永隆於景
貺廟冥恭之志常守於慶基臣無任懇倒之
至謹詞

內中設醮謝祥瑞詞一道

三清

臣紹膺寶命繼受珍符願盛典之增修遠祥
楨而昭顯商雲絢彩僊羽流音宵厚之心表
願懷而斯在夙宵之志慶屬翼而攸動中禁
密清醮筵祗肅其垂鑒佑洞察實威臣無任
懇倒之至謹詞

上清宮設醮謝祥瑞詞一道

三清

臣恭續成基誕膺丕貺方琳官而順拜爰膏
極而降衷嘉氣細縈靈禽頌頌祈高昊之鴻
應俯佑楨圖屬明發之小心仰酬靈眷瞻言
靖館恭肅應筵期委鑒之昭章洞至誠之欽
翼臣無任懇倒之至謹詞

為大事詞十三道

三清 玉清昭應宮

臣顧以眇躬續茲大寶雖純禧之澤洽實至治之未臻屬以官城偶延焚燎眷言朝列頗屬震驚雖人事之有因敢忘於祗畏庶靈謀之不昧曲照於戰兢虔達中懷用仰昭謝臣無任懇倒之至謹詞

玉皇

臣紹撫中區有慙盛德雖炳靈之曲祐然制治之失中屬以藩房煽茲遺燼久方從於撲滅違願致於延燒誠則因人敢忘罪已但思抑畏以務增修庶協側身九期降顧臣無任懇倒之至謹詞

聖祖天尊大帝

臣仰承保佑但積實威術念震驚靡違章處蓋由王邸不謹於周防乃致宮城頗延於焚燎實慙人事莫副靈心引咎之懷但兢兢而無捨昭謝之懇庶明明而曲臨臣無任懇倒之至謹詞

北極

臣永惟涼德仰紹丕圖雖明發以自動顧政經而多闕因故王邸不謹於防閑遽致宮城頗延於焚燎敢忘引咎以謝皇靈允其儲仁洞明丹懇臣無任懇倒之至謹詞

天書

臣內顧沖人存膺瑞命雖靡忘於恭已實無報於降禎餘燼相延偶興於王邸連覺莫過遂及於宮城載念震驚愈增祗懼敢思引咎用謝錫符臣無任懇倒之至謹詞

太祖皇帝

臣祗紹慶基茂膺蕃錫顧惟涼德靡報發祥屬烈譖之相延自維城而欵燭既難獨爾遂致焚如內顧眇沖有虧於申儆仰懷夙累伏積於多慙昭謝宗材敢忘寤寐臣無任懇倒之至謹詞

太宗皇帝

臣欽承命歷祗紹基圖申儆有虧延災斯作顧茲遺燼偶發於宮城致彼爇燭頗驚於民聽戴惟人事之不謹實慙邦治之無聞兢業之懷靡遺於明發昭謝之志庶罄於章修臣

無任懇倒之至謹詞

二星殿

伏以天顧之仁實膺於保佑君臨之德但愧於眇沖火禁罔修宮城延燎蓋不謹於人事敢有側於靈心昭謝著明敢忘克己恭伸精意允鑒至虔臣無任懇倒之至謹詞

翊聖

伏以沖眇之姿仰膺於寶命兢業之志庶答於鴻禎言屬威藩偶忘周慎遂令烈譖遽有延燒既觀震驚益懷祗畏敢忘咎已用謝炳靈臣無任懇倒之至謹詞

諸小殿

竊以命歷仰承茂臻景貺眇沖俯念莫報不祥由不謹於維城致延災於烈燄震驚中禁焚燎端聞思盛德之靡昭積丹心之引咎敢伸致謝允其俯臨臣無任懇倒之至謹詞

三清上清

臣眇沖之德靡足感通亨昊之仁誕回春顧莫洽建中之治遽生炎上之祥維城偶失於慎微烈燄欵禱於延燎載惟菲薄敢急責躬